

建寧縣志卷之三

知縣潞水韓琮纂

城池

周官掌固掌修城郭溝池之固言脩之不可不豫也夫王公設險以守其國莒人恃陋而不脩故春秋譏之彼晉陽不潰卽墨不下雖曰衆志詎爲無脩歟建邑依山而城藉溪爲池干擲者固易爲力第始艱于創繼賴於修仡仡言言有脩無患歷稽厥績卽謂與斯城同壽也可志城池

自南唐中興三年庚申陞永安爲建寧縣至宋度宗

建寧縣志

卷之三

城池

一

咸淳元年乙丑歷三百有六年尚未有城二年丙寅邑令宋秉孫始建議築城伐石爲基甃以陶甃週五百八十丈崇二丈四尺廣崇之半女牆四分崇之一闢門四東曰朝天南曰迎薰西曰慶豐北曰拱辰小門二東南曰小南門東北曰小北門皆建樓其上四年戊辰圮於水六年庚午秉孫遷倅本郡以餘鹽錢重修逮攝郡又以稅錢萬餘緡置田以脩繕修之費元至正四年甲申盡圮於水惟迎薰門存明弘治六年癸丑

按蔡春築城記實弘治六年舊志載四年

辛亥誤蔡知縣馬昇循舊址擴建三面臨溪惟西

記見藝文

依山週七百九十三丈擴故址二百十餘丈廣三分崇之一雉堞二千五百四十有奇爲門六改東門曰朝陽西南北仍舊名改東之北曰順濟南之東曰通津咸棲以樓而匾其上又爲水門四經始於弘治癸丑冬迄工於乙卯春正德五年庚午寇至假衛兵以守寇去而兵不撤十二年知縣周必復請撤兵以其費繕城加崇三尺徙南門於學宮之右嘉靖二十一年壬辰拱辰門燬二十二年癸巳朝陽門燬二十三年甲午知縣何孟倫丞金玠重建復名朝天門二十四年乙未復築拱辰門三

十四年乙巳朝天門又燬三十五年丙午知縣孫大學再建四十年辛亥知縣吳金重修隆慶四年庚午衆議自改南門後五十餘年間城內多火災登科者僅二人請於署縣同知包檉復改南門於青山之麓城外山直衝射建關廟以障之城內仍復多故萬歷六年戊寅知縣梁應球改建迎薰門於長吉寺前居民乃安崇禎三年庚午東城樓燬知縣鄭汝說建國朝順治三年丙戌復燬署縣孫志儒重建四年丁亥大水北城頽六年己丑知縣傅元弼奉檄修葺週圍加崇三尺增置女牆五

百一十垛各砌階數尺以便守望又爲窩舖如女
牆之數不數年西南一帶窩舖爲鎮兵毀廢十七
年庚子防兵叛燬各門城樓知縣袁植修康熙五
年丙午奉檄增建敵樓袁植同防守李得勝于城
西南闢築敵臺三所高與城齊又添設敵樓四所
十年辛亥東南北三面盡圯於水知縣陳于達修
二十二年癸亥洪水衝塌東南數十丈知縣檀光
燠修三十二年癸酉拱辰門燬至三十八年己卯
署縣延平通判曾植捐俸重建四十三年甲申東
南復圯於水四十八年知縣康兆元修乾隆八年

癸亥東南圯於水者數十丈西門崩塌十數丈十
年乙丑知縣王文昭領帑修葺十三年戊辰東北
崩塌數十丈知縣黎芝勸修未竣十六年辛未南
門一帶圯於水共三十八丈十八年癸酉知縣王
定國勸民捐修城復完固

附池井

東門井二

城隍坊南街衙井深數丈餘出泉甚湧任人汲用
不竭

萬桂坊謝氏屋後井

南門井八

長吉坊寺內觀音堂井泉從石穴中出色味清冽
烹茶最妙

姜家嶺下絜芳園井井覆高梧園種百花花飛井
畔饒有畫意

甯家衙井 宏博坊內曾姓百歲人瑞屋後井
巷內何氏屋旁井 學背謝氏屋內井

王氏屋後井

興賢坊禮門下井先是井旁居民多老壽八九十
歲者井中常吐霧氣或疑有妖物請道士以法

建寧縣志

卷之三

池井

四

除之得一大龜浮出霧氣遂銷老壽者亦鮮

西門井二十六

滕長坊滕長廟前井 大嶺下饒氏屋內井

大嶺下謝氏屋內井 鐘樓下別駕第井

鐘樓下徐氏屋內井 鐘樓下黃氏屋內井

徐氏崇本山堂下左右二井水甚清冽術家謂爲
龍眼井水釀酒甚佳

圳墘上謝氏屋內井 鳳池坊井水極清碧

廖家坪後低嶺井 圳墘上黃氏門口井

聶家窠口井 郎官第內井

龍興寺前井泉水湧發足供數百家汲取

濰驛坊井 三陽廟前甯氏屋後井

城背街前井 晝錦坊徐氏屋內井

晝錦坊阮氏屋內井

古老衙井原泉混混汲之不窮

朱家巷徐氏屋內井 積善坊井 朱家衙井

雷公井井中空洞石結天成井上一呼聲應若雷

縣衙內井

北門井八

拱辰坊北門口井水濁不可食藉以制火蓄之常

建寧縣志

卷之三 池井

五

滿 余氏屋內井 李氏屋內井

濰川書院井旁有亭池足供遊玩 吳氏屋內井

顯武坊井在三聖廟前泉大味甘任汲不竭

新街甯家衙內井 城背姜氏屋內井

城內池四

青山池 在城南青山巷池上爲謝氏祖塋

嘯月亭池 在城西南上青山徐筠亭別館方塘

一鑑澄澈空明水輪初展即與水光相涵時見

竹木參差倒影而入洵天然好景

雙鏡池 在城西有兩池澄清一色取唐人兩水

夾明鏡故名雙鏡池池上有雙桂又名雙桂園
藤長廟池 在城西池有神魚出没人不敢取

東關外井六

蟾井 在溪東觀江月亭右泉水上應蟾精清冷

異常

邑人連青詩云沙頭紫玉鑿一作井飛泉仰射龍骨冷千絲萬絲石髮垂一泓碧月沉

秋影孀娥中酒顏如花間認取金蝦蟆
茶露滿銀床却歸去人間認取金蝦蟆

雙井 在黃洲坊百花州居宋氏書館外泉清碧

如鏡味亦香冽

徐氏梅庄井 泉最清冽為名人所貴

屏山後井 在余氏松下草堂左

建寧縣志

卷之三

池井

六

五龍井 在五龍岩下

助駕井 在東鄉黃舟保父老傳言先朝本屬廢

井適大將擁兵駕臨會渴甚忽井水騰湧而出

軍士賴之故名助駕

南關外井四

井灣井

一在大塘墘吳氏祖山旁一在青郊小隱吳氏祖山下

進士牌坊下井 汲食數百家井最有名

坊井 在鄒氏書館門首 南關下井

城外池 大塘墘池明進士吳剛廬在然

蓮池 在南鄉長吉保大園池廣十餘畝盡種荷

花開時紅英碧葉水光掩映香風撲鼻最為勝

境

西門外井三

方井 泉最清冽釀酒甚佳

鳳山井大小相連出玉泉名雙井又名玉泉井

北關外井五

社壇井 水堪釀酒酒戶藉之

千秋井 在城外後山泉甘味美釀酒亦佳

熊家窠井 泉亦著名

觀音井 在青雲嶺準提閣下泉從石壁流出清

味可匹蟾井

建寧縣志

卷之三

池井

七

毛源古井 在北鄉安吉保之盧田先是井水甚

佳煮茗不異惠泉井底舊有一石約二尺許方

正似硯瑩潤光澤每淘井好事者取出傳玩邨

中老成人命仍納井中後竟爲人竊去琢硯貨

與人獲厚值自此水臭惡不可食尋亦枯竭

公署

職官所居爲署國語云署位之表也署而稱公所

以別乎私也建雖中縣文武正佐有事即有署政

教號令皆於是乎出居此署者務靖共而各勤爾

職毋玩忽而等諸傳舍昔陸抗與諸葛恪換屯柴

桑抗臨去更繕城圃葺墻屋恪入屯若新創而恪
舊屯自慚毀壞若陸抗者其真能公爾忘私者哉

志公署

縣治舊在鳳山之東濰川之北南唐中興三年庚申陞

永安場為建寧縣置治今所舊名葛藤窠未建望縣

墳墓在內後及坐城背拱辰坊尾前對南路街巷左傍在丁祠及義學倉廩右傍華光廟

大門上為樵樓九年更鼓樓建大門傍瓦屋程間拓而官

之大內東有嘉靖賓館皮地祠復為新監獄門

儀門中門十為東西角立門戒石亭於二年程中道建至嘉

國乾隆熙五年楊令八年復建坊書戒語於上與儀門坊

建寧縣志

卷之三 公署

八

大相對內外

大堂明洪武二年程令將以門堂墻垣修為繕理陶正

甃東房西兩設承發吏戶禮兵司刑工六房又設承發司舖長司

穿堂明嘉靖二章十四年何令

後廳同前將俱後何廳令改造至後廳之朝左右熙仍五十八年

廊左為東房承發堂房右為架閣房前為三間東房為值堂房西為庫房

縣廨即庫內署從後廳西折而入中廳右三朝聖祠及

五十八年章令又可眺望山川百尺芙蓉樓以護後廳空缺亦於署東建川之勝

縣丞廳舊今在廢縣

主簿廳舊地在歸縣廨治西二廳因官裁

贊政廳

舊在堂壁東雍正二年甲辰典史孟成章從新修理

縣自宋紹興三年

癸丑

知縣吳播新建各廳舍後經

寇燬至紹定六年

癸巳

知縣趙紡夫重建按舊志中興三年庚

申立縣至紹興共一百七十四年紹興癸丑至紹定癸巳又二百年中間興廢存燬俱不可攷

淳祐九年己酉知縣林玘建鼓樓及宣詔頒春二亭

二亭今廢咸淳六年庚午知縣程夢桂拓縣署而大之○

元至正十二年壬辰兵燬至二十年庚子邑人馮真卿

為建治事堂○明洪武二年己酉知縣程思道區畫

繕理門堂墻垣規制始脩正統十三年寇燬惟儀

門存天順二年戊寅主簿丁暹重建中廳扁曰平政

建寧縣志

卷之三

公署

九

嘉靖九年庚寅知縣江一桂重修扁曰親民堂二十

二年癸卯知縣朱良訓復修堂之後西折為知縣廡

廡東西為縣丞主簿廳今廢西廊後為吏舍今名公廡裏久

為胥吏盤踞轉相典賣矣前為儀門門之東為典史廡嘉靖乙

巳年知縣何孟倫于堂後復建穿堂及後廳扁曰

節愛丙寅年知縣皮志文修治大門左為惠民藥局

為總舖為旌善亭以勸風化書邑人之善者以彰

之右為陰陽局為申明亭以辨爭訟書邑人之惡

者以瘴之二亭久廢國朝順治十四年丁酉後廳穿堂

圯知縣温光涵重建扁後廳曰鏡靜煙中其譙樓

以外俱燬至十八年丑辛知縣袁植重建康熙十二年丑癸知縣周燦重修廳堂門廊五十八年亥己後廳穿堂盡圯知縣章全人以堂與儀門異向儀門環柱挺豎大堂正中後廳穿堂又復幽暗其架閣承發堂庫諸房叢擠於後且古稱向明而治已向非宜於是悉更而新之易大堂爲丙向不用穿堂建後廳深進三丈扁曰顧畏民巖中間懸明令左光先公明廉威四字儀門移正中與堂向撤去戒石亭易以木坊戒語向內外書閩嶠巘疆四字乃堂垂成而章隨罷去後坊圯乾隆二年知縣楊昌言

重建書戒語與堂正對

典史廳從儀門左折而入扁其門曰南衙舊制湫隘康熙五十八年亥己典史孟成章盡撤而新之翼以兩廊前爲門堂之下植槐二枝堂之右爲見客所堂之左爲廳廳之後爲宅竹樹扶踈亦殊可觀

府館則府僚行縣聽事之署也在縣治之東城隍廟左 ○明正統初命監察御史歲巡按諸郡縣因

改爲察院行臺嘉靖二十二年卯癸燬二十四年巳乙

知縣何孟倫重建三十四年卯乙燬三十五年辰丙知

縣孫大學重新拓大中爲堂東西爲廊前爲儀門

又前爲大門扁曰察院行署後爲穿堂爲後廳爲寢室翼以兩廂庖湑之所咸備 國朝裁巡按而行署遂爲上憲文武官往來公署

防署

建邑舊無防守 本朝設官守禦分塘立汛弭盜安民事至重也初第委劄後成經制高牙大纛遂成上游雄鎮

順治三年丙戌九月初八日 清師李成棟自邵武率兵至縣委隨征官王用駐防建邑擇民居之高者居焉即今防署也在縣治北門顯武坊顯武之名

建寧縣志

卷之三

公署

十一

建縣時已有之六百餘年之後竟爲弁署 設鼓角稽出入後且司城門

啓閉焉

康熙三十八年城外嘗有火盜奉文司鑰以便追捕

把總宅有三一在縣前清平坊即便民房舍一在城

隍坊察院司前一在顯武坊城隅 馬房二所俱

在防署之前 中軍廳在防署之側 軍器庫在

顯武坊五忠廟側 營房大小數百間四門城內

散處而城西民房纍纍隸戎矣

順治八年巡撫張學聖慮兵久佔民房諭建南道曾

延孔刊刻印票給房主行牌云邛道即將清查過

在城官兵借住民房有屋窄狹應即退還有房稍

寬可令分居暫聽兵丁借住者雖經該道查明安頓目前似各相安但恐雜處日久借寓者視爲己物退還者復思佔踞有負本院恤民之意該道即刊印票付房主收執已退還者不得復行侵占暫借寓者日後照數退還不得毀拆變賣庶民業有歸如違重寃然建邑防守弁兵相沿視爲己物來者輒曰官房退還者仍行佔住去則毀拆供爨倒塌者不知凡幾康熙八年總督劉兆麒有廣咨利弊之檄郡守汪麗日具詳云一兵住民房釁端易起則捐建營房之策宜亟行也查得文武協和兵

民相安爲今日地方第一要務查邵屬四縣民居湫隘我

朝定鼎之初城民多避徙于四鄉兵馬突來悉入民房安插迨至寧靖城民思歸兵已佔住力豈能祛只得隱忍容留或一房而前後分居或分左右合處保無民甘魚肉兵肆刀俎者乎可怪彼時地方官不肯卽爲畫策後來城守將領惟顧兵丁安便因循異視相沿至今甚而民間中冓難道鬪毆時聞以弱民與強兵同居勢若伴虎朝夕生長是大不便于民卽守法之兵與弱民共栖終非姻戚釁

端易作又大不便于兵雖守今日加誥誠營將時
申紀律能禁其顯而不能杜其微能懲其前而不
能毖其後職晝夜籌思欲令兵民兩便莫若查擇
空地倡議捐貲另建營房撥兵分住以爲久安之
計第編造經營爲力不小乞憲臺錫以明示允令
會同協鎮議妥興建移撥此實安輯兵民之大要
也總督劉批云如捐建營房之議從來兵住民房
不惟鵲巢而鳩居民欲歸而無地且兵民共處強
弱相雜誠有羊伴虎眠之勢則營房之建實難緩
于旦夕者也該府會同協鎮通盤計筭作何捐助

廢署

古殿胥燬靈光奚補於未存告朔不行餼羊乃辨
於欲去建邑公署規制 國朝既周且備矣而明
季廢署已付諸黍離蔓草間曷書乎爾蓋署有爲
裁冗員廢者有因易地利廢者署廢地不與俱廢
倘後世文獻莫考湮沒無徵不終貽侵佔之階乎

附載始末誠欲以公還公云爾

明初之制藩司主分守臬司主分巡歲更一人蒞其地故有布政分司按察分司之署

按察分司在縣署之左即宋尉司地也明洪武二十

四年辛未改為寧武道二十九年丙子為建寧道弘治

二年己酉改武平道嘉靖七年戊子知縣江一桂修二

十四年乙巳知縣何孟倫增修門堂寢室一如分司

萬曆二十年壬子知縣張光庭創屋四十二間令四

區五十二里應役者時有夫傭之役居之以杜包歇之弊

名曰便民公舍然鄉民來縣無主家還鄉無守舍

建寧縣志

卷之三 公署

咸曰不便竟無居之者崇禎十一年戊寅知縣左光

先奉文變賣官地克餉其地分作四片上查保李萬友買一

分今為一把總宅丁崇買一分排前保朱姓買一分

祭朱子祠

布政分司在按察分司之左後為建南道署正統間

沙寇燬成化八年壬辰主簿田昇建嘉靖二十一年

寅燬二十四年乙巳知縣何孟倫重建門堂寢室皆

如院制後圯萬曆十九年辛未知縣郭有春重建今

為常平倉康熙四十年署縣徐之霖建義學於倉

之外

西安巡簡司宋爲西安寨在新城保元改今名○明

洪武三年庚戌巡簡徐銘請遷於里心保正德十五

年庚辰知縣周必復改建於客坊保邱坊隘後以邱

坊僻遠凡蒞任者止居城中司遂圯嘉靖二十三

年甲辰知縣何孟倫申請復設責令官兵屯住本司

立約束地方賴之又申割白雲寺田二十畝歸於

巡司後又遷於銀坑保黃泥舖今康熙十五年司址於

開墾成田教諭
歲收其租

軍口巡簡司在縣南五十里明洪武十四年裁革故

址猶存今爲塘房

建寧縣志

卷之三

公署

十五

稅課局在縣東宋稅地也明洪武三年知縣董煥建

正統間裁革

河泊所寓在縣東溪東觀正統間裁革宋時有鳳山

驛綏城驛濰江驛洛洋驛今俱廢

陰陽學在縣南長吉寺門右今廢

醫學舊在縣東宣化坊下明洪武十八年乙丑設永樂

九年辛卯醫官廖壽山重建後以其地爲布政分司

初擬朝天門外西邊官地改建後未果今作店四

間歲收稅給醫生市藥

僧會司在長吉寺外洪武十五年壬辰設今廢

道會司在鳳山迎螯觀洪武十五年壬戌設

公館一在南鄉都境舖弘治十三年庚申叅政俞俊命

縣丞郎珍創建俞書扁曰駐節後隆慶元年丁卯邑

令皮志文重建今廢其一在東鄉洛洋保袁庄嘉

靖十七年戊戌郡守王鈞命邑令梁隨撤廢寺材爲

之今廢

朝京館舊在西鄉今廢

建寧縣行館在邵武縣亨道坊弼教牌坊之右先是

縣官以公事至府僦居民舍嘉靖二十四年邑令

何孟倫購買邵民傅汝敬童廣清房屋用價七十

建寧縣志

卷之三

公署

十六

五畝其地基深九丈廣二丈二尺三十九年庚申邑

令吳金重修置買器物不用里民供應召近館居

民董珊典守館門外東西二店與典守人居之隆

慶元年丁卯邑令皮志文捐資易邵武府學後空地

闢爲後戶焉 國初乃圮